

清・錢塘丁丙撰輯

武林掌故叢編
12

台聯國風出版社
華文書局聯合印行

武林掌故叢編目錄

第二十四集

淳祐臨安志輯逸八卷 國朝胡敬輯

樊公祠錄二卷 國朝孫世禮撰

武林藏書錄五卷 國朝丁申撰

風木齋圖題詠一卷 國朝丁丙編

武林雜事詩一卷 國朝丁立誠撰

武林掌故叢編 第二十四集

淳祐臨安

志輯逸



光緒庚子春三月
錢塘嘉惠堂
丁氏刊於楚北

淳祐臨安志輯逸卷一

祠廟

聖王之制祭祀也法施於民則祀之以死勤事則祀之以勞定國則祀之能禦大菑捍大患則祀之非此族也不在祀典及太史公歷敘雍州諸神祀至謂社主在秦中最鬼之小而神者陸龜蒙作野廟碑謂甌粵間山椒水濱多淫祀并道其形容大抵皆託諷刺以爲無功德而飫酒牲弄威福而勤人民此固神之羞也然狄梁公於江南獨存四祠今忠清廟其一也竊觀舊志以夫差爲首祀乃與子胥並列爲祀典特

臨安志輯逸卷一

一

所未喻豈舊志傳譌耶今特以昭濟廟次以忠清之後而特疑其神未必爲夫差也尙庶幾狄梁公之意云敘祠廟

李鄴侯廟在湧金門外西井城下侯姓李氏名泌字長源唐代宗時爲杭州刺史有風績引西湖水潴爲六井以便民汲當時郡地苦於斥鹵自六井既開民始得食清泉繼是杭之賢守自白文公蘇文忠公而下皆世宗其遺躅至今德之因爲立祠若侯之行事大節已具本傳及家傳

天地水三官堂在吳山紹興八年賜內帑錢建

十一曜太歲堂在吳山今爲至德觀

浙江龍王廟乾道五年郡守周公宗卽浙江之上廟子灣重建

順濟聖妃廟在艮山門外考之廟記神本莆田林氏女數著靈異祀於莆之聖墩宣和五年賜順濟廟額紹興二十六年封靈惠夫人紹興三十年加封昭應乾道二年加封崇福清熙十二年加封善利紹熙三年改封靈惠妃慶元四年加封助順敕曰古以女神列祀典者若湘水之二妃北阪之陳寶西宮之少女南嶽之夫人以至丁婦滕姑亦皆廟食夫生不出於

臨安志輯逸卷一

二

閨門而死乃祠於百世其義烈有過人者矣靈惠妃宅於白湖福此閩粵雨暘少愆靡祈不應朕惟舒耀魄其名曰妃川祇靜波其名江妃爾之封爵旣曰妃矣增錫美號被之綸渙崇大褒顯凡以爲民尙體異恩以永厥祀嘉定元年加封顯衛嘉定十年加封英烈敕朕閱唐史有衛女侯滑女唐青女王相與歃血以討史思明心甚壯之靈惠助順顯衛妃夙以禦侮捍患之功見於先朝所褒表其風烈實似之迄今莆人雨暘如願暴客不入境徽號之加朕復何吝尙其永孚於休皆從莆人請也艮山之祠舊傳商公份

感夢而建開禧年間始建殿閣寶慶三年鼎新重建
嘉熙三年浙江潮水齧隄禱之應易封靈惠助順嘉
應英烈妃候潮門外蕭公橋亦有行祠 丁伯桂記
云神莆陽湄州林氏女少能言人既福歿廟祀之號
通賢神女或曰龍女也莆甯海有墩元祐丙寅夜現
光氣環墩之人一夕同夢曰我湄州神女也宜館我
於是有祠曰聖墩宣和壬寅給事路公允迪載書使
高麗中流震風人舟沈溺獨公所乘神降於檣獲安
濟明年奏於朝錫廟額曰順濟紹興丙子以郊典封
靈惠夫人逾年江口又有祠祠立二年海寇憑陵效

臨安志輯逸卷一

三

靈空中風掄而去州上厥事加封昭應其年白湖童
邵一夕夢神指爲祠處丞相正獻陳公俊卿聞之乃
以地券奉神立祠於是白湖又有祠時疫神降且云
去湖丈許脈有甘泉我爲郡民續命於天飲斯泉者
立痊掘泥坎甘泉湧出請者絡繹朝飲夕愈贊爲井
號聖泉郡以聞加封崇福越十有九載福興都巡檢
使姜特立捕寇舟遙禱響應上其事加封善和清熙
甲辰民菑葛侯鄂禱之丁未旱朱侯端學禱之庚戌
夏旱趙侯彥勵禱之隨禱隨答累具狀聞於兩朝易
爵以如號惠靈慶元戊午甌閩列郡苦雨莆三邑有

請於神復開霽歲事以豐朝家調發閩禺舟師平大
奚寇神著厥靈霧瘴四塞我明彼晦一掃而滅開禧
丙寅虜寇淮甸郡遣戍兵載神香火以行一戰花鰲
鎮再戰紫金山三戰解合肥之圍神以身現雲中著
旗幟軍士勇張凱奏以還莆之中市朔風彌旬南舟
不至神爲反風人免艱食海寇入境將掠鄉井神爲
膠舟悉就擒獲積此靈貺郡國部使者陸續奏聞慶
元四年加助順之號嘉定元年加顯衛之號十年加
英烈之號威德無窮典實有限不極不止神雖莆神
所福徧宇內故凡潮迎汐送以神爲心回南簸北以

臨安志輯逸卷一

四

神爲信邊防里捍以神爲命商販者不問食貨之低
昂惟神之聽莆人戶祀之若鄉若里悉有祠所謂湄
洲聖墩白湖江口特其大者爾神之祠不獨盛於莆
閩廣江浙淮甸皆祠也京畿艮山之祠舊傳監丞商
公份尉崇德日感夢而建祠臨江潯前有石橋經久
摧剝一日里人取涼於橋坐者滿地忽有白馬自廟
突而出人悉駭散橋隨圯無有一陷者人知神之爲
也開禧年間始建殿閣地偏且陋觀瞻未稱歲在丁
亥某調郡陞辭偶叨畱行因白夕郎陳公卓割餐錢
爲倡貽書鄉之持麾節者咸遣助鄉之士友與都人

知敬神者竭力效奔走不避寒暑隨豐儉捐金錢次冬首役移舊殿閣前架正殿越春殿成又次年門樓廊廡成塑繪丹牖几案簾帷欄楯軒檻聞者爭施中外輝映規樞粗備云云戊子之夏後殿雷震電掣龍爪西楹而翔莆白湖祠亦告斯瑞且同其時又一夕鼓作雷聲轟轟而鳴豈非先兆歟祠成鄉人合詞諡某爲述顛末姑取先後金石所紀神績者編次之庶來者有考云

湯村龍王堂政和二年湯村沙岸爲潮水所衝州縣立龍王祠以禱之六年奏請增廣廟祠詳具順濟宮

臨安志輯逸卷一

五

漢蕭相國祠在定民坊一在艮山門外賜額靈護嘉應公祠一在百戲巷今秀義坊

通應侯祠在開道坊錢氏時建

廣惠廟在錢塘門外霍山經始於乾道庚寅落成於紹熙甲寅續有旨霍山阻關祈禱不便就城內金地山別創行祠一所紹定四年延燬六年重建按國朝會要神姓張名渤血食廣德軍之祠山康定元年始封靈濟王崇甯三年賜廟額累封正祐昭顯威德聖烈王王妃李氏累封正甯昭助靈惠順應妃王祖父累封顯慶垂休昭遠侯父爲慈應潛口儲祉侯祖母

爲顯應起家昭靈夫人母爲慈惠嗣徽聖善夫人王
子五人累封長子曰承烈王次曰嗣應公濟美公紹
休公善繼公長子加封二字曰□□王女累封淑顯
柔嘉令儀夫人王孫封永福侯王弟九人紹興十年
並封侯曰靈貺曰善利曰順成曰康衛曰靖鎮曰休
應曰明濟曰昭祐曰嘉惠十九年各加封二字曰普
濟曰通貺曰孚佑曰昭應曰豐利曰豐澤曰福謙曰
通濟曰孚直王五子之妻紹興十一年並封夫人曰
贊福曰翊福曰保福曰崇福曰敷福十九年各加封
二字曰承祀曰嗣嬪曰濟順曰紹嬪曰善行王九弟

臨安志輯逸卷一

六

之妻紹興十一年並加夫人曰靈德曰善德曰順德
曰康德曰靖德曰休德曰濟德曰昭德曰嘉德十九
年各加封二字曰昭惠曰助惠曰衍惠曰淑惠曰綏
惠曰靜惠曰柔惠王之嬪二人天水郡君趙氏河東
郡君柳氏累封協惠應濟慈昭廣懿夫人協順承濟
慈祐廣助夫人 錢塘縣主簿趙師白記云霍山廟
者廣德張王之別祠也王以休功顯德敷祐生民縣
歷數千餘載歷代以來罔不優禮而褒崇之暨入國
朝慶膺追錫之命增加王號極其榮美至於王之父
母兄弟妃嬪子孫及諸屬嬋無不受顯服累嘉封可

謂盛矣粵自開迹祠山肇興廟食邦人兢栗以供祀
事凡雨暘疵癘之災寇攘水火之患有禱於王疾於
響答奇驗異應灼灼駭動人之聞見掇溺拯危轉禍
爲福載諸傳記不可殫述光靈之遠旁加橫被於是
離宮行廟金碧丹雘之輝連城跨郡宕蕘相望焉仰
惟帝城四方之極百神受職是翼是衛矧王之神旂
所止密拱京甸眾大之區并蒙祉福顧獨未有揭虔
妥靈之地士民相謂不其闕歟乾道庚寅始卜地於
霍山哀金鳩工營建棟宇規模位置煥然鼎新奉神
之物無一不備蓋以便都人之敬而格明神之體也

臨安志輯逸卷一

七

廟成于紹熙甲寅正月十二日爲費緡錢十萬而判
院張宗況施助獨多焉師白兼掌諸祠嘉其成績因
考其顛末而刻之石 又記慶元丁巳監潭州南嶽
廟求梓撰國家在宥民生天容地鞠修和輯甯豪盡
蹇悉凡爲民戕蠹芟獮其大有四曰水旱兵疫凡天
下之神贊幽相顯有濟遠功尤祀典所嚴敬凡郡國
鄉邑間以水旱兵疫禱不折旋報皆得數數句封于
朝以侈神之休橫山祠基於開聖瀆血食其邦歷梁
唐暨楊李二僞國陽懇陰諧擇毛錫幣自水部郎中
司農少卿禮部尚書進僕射冊司徒自廣德侯升公

登王雖聯官疊爵猶未顯甚皇朝康定改元啟封靈
濟宣和二禩增封忠祐紹興兩加昭烈正順皆以兵
旱昭答故臨安歲每涸帥閫遣吏走數百里告波餘
露積家懷戶感迺相率得西湖之北偏霍山地誅茅
以基洗石以築厥日對升厥山四朝廣殿修廊嚴嚴
繩繩工始淳熙己亥而集於積勸之久日者廣德累
政費以益美號爲奏大常議爵不踰八字竟礙法止
自躋眞王五十七載當紹熙間後郡將始遂前請再
議援泰江甯例易靈濟爲威德命辭給詒都人拱上
之賜謂王之靈威神德奚在奚亡又相爲堅刻謀且

臨安志輯逸卷一

八

屬梓敘顛末其姓氏世次有他錄具若歲時牲酒饗
豆間陳笙簫合興尙未有侑祭辭此大闕典乃系之
曰羌北峯旣東驚兮長湖自西龍雙峙以奮驤兮紛
偃蹇其旁圍屹萬檻鬱渠渠兮賓浴鳥之進騏步崔
嵬戴其翬章兮近天尺五充褒申以寵更兮幸此分
其雨露清觀兮肅朝旃颺颺兮靈旂馳冕九旒兮佩
葳蕤鳳鸞前道兮駕兩螭靈容與兮恍乎若授以綏
觴酒豆兮牲在俎登芡栗兮品蒞脯參差吹兮間笙
鼓靈孔歆兮儼離離以愉怡睇橫山兮忘遽歸靈來
往兮兩宮兵歛疫銷兮百穀豐千春萬春兮無終窮

九曲五顯廟在錢塘門外九曲城下紹興間創

靈感寺五顯廟在錢塘縣調露鄉端平二年創

北高峯五顯廟係景德靈隱禪寺塔廟嘉定六年重建有周琪所撰記

瓶場灣五顯廟在候潮門外市舶務前有陳光所撰記

樺木橋五顯廟在候潮門外教場之側嘉定六年建紹定三年燬于火端平三年重建

石姥祠舊志云晏殊輿地志芳林鄉有石姥祠

神應王廟按國朝會要係扁鵲祠紹興十七年建太

臨安志輯逸卷一

九

醫局立王廟後燬于火今廢

金祝二神廟在錢塘門裏舊志不載 廟記云太尉

姓金諱勝姓祝諱威同爲錢塘尉曹十將建炎已酉

臘兀术闖兵于杭權守安自強拉州民避寇赭山城

無禦備錢塘宰苕溪朱蹕鳩鄉丁僅二千趣餘杭路

邀擊兀术前隊民不熟鉦幟宰陷陣而歿兩太尉集

涓兵還據葛嶺編竹覆泥爲途以愚賊翼日虜騎颯

至跋躐而踣仆者鱗疊巨刃奮斷橫屍山委軍聲大

振兀术執居民爲鄉導得由南壁而入兩太尉猶力

護西隅力疲竟歿鄉民感其忠節具馬革駢塋近郊

因立祠於死節之所按中興治迹統類建炎三年十

二月乙亥朔金虜犯臨安府守臣康允之退保赭山

錢塘縣令朱蹕白允之自帶本縣及仁和縣弓手土

軍於前路款敵使杭民爲逃死計行二十里遇虜騎

蹕兩中流矢左右掖至天竺山猶能率鄉兵以擊賊

後數日遇害卻不言權守安自強亦不載二神名字

故老流傳爲之立廟不誣當是二神實爲弓手首領

能糾率其徒以寡禦眾相持餘十日使杭民得以脫

去不盡死于戈鋒鏑之下功亦偉矣然祠二神而不

祠朱令猶爲闕典也

臨安志輯逸卷一

十

以上本府

防風氏廟父老相傳云係古祠鄉民祈求田蠶之所

歷年彌長創立不知何代今按郡志防風氏卽古鄫

瞞國昔禹東去捨舟航登陸於餘杭故卽餘杭以名

縣以見防風氏之國在古爲鄫瞞在春秋爲吳蓋今

之餘杭也夫禹自冀州東狩至越已過防風氏之國

矣而防風氏之朝獨後於羣臣此禹所以戮之而瘞

於仁和信古祠矣

申將軍廟人呼爲驃騎廟古祠父老相傳謂楚惠王

兄子白公作亂申明父謂明曰子何不爲楚王甯國

明諾之遂辭去見楚王與語大說令引兵伐之後明父爲白公兵執去遂引兵與戰白公兵敗左右咸曰若執明父來彼兵自退遂執明父謂明曰兵退則父全否則殺汝父矣明日國事急矣忠孝難兩全引兵急攻白公殺其父後人立祠於臨平建炎初建會靈護國祠其祠高僧秀眞也秀眞華亭人號無隱事見仙釋門

蘇將軍廟神東晉驃騎將軍蘇氏崇善王之麾下也錢氏建

靈應廟神楊都督係皋亭山崇善大王之佐將驍勇

累立武功

臨安志輯逸卷一

士

福濟王廟在西錢塘村

濟惠二王廟在錢塘村又一廟在北葛沈村

順濟龍王廟在縣治之東南三十五里安仁東鄉政和五年郡守李偃以湯村巖門白石等處邊江岸日受兩潮漸至侵齧奏請同兩浙運使劉旣濟措置遂用石版砌岸因建此廟紹興十四年五月重修

靈惠廟 敕烈丈夫精忠貫乎日月死不與草木俱

腐廟祀千古能以禍福警動於人斯已奇矣矧若爾神闕其威靈以慈濟爲念者乎撫故老所傳爾昔仕

於東晉奉使繫畱義不屈辱拔劍斫臂能使裔夷愧服握節以復命於朝歷刺大藩恩惠及物皋亭之冢密邇北關祠倚精藍以宿誓願屏骨蕭之薦大莩其民數百萬家屋廬櫛比未嘗一有意外之警昨封侯社歷歲四字而神謚無所增益尹具以奏爲之憮然躋進上公曰慈與祐爾神受之爲無忝佩我渙渥丕錫蕃釐淳祐六年加封慈祐福善仍封神父諱子直積慶侯母暨氏靈順夫人妹助順夫人押衙俞千勝威勝將軍 鮑豐記云皇帝駐蹕於臨安之十有二

臨安志輯逸卷一

主

神祠自隋以來事之至今不絕旱乾水溢有禱必應郡民事無鉅細皆請於神應若影響朝廷歲時降香祈請不異他祠而封爵無加廟額未立蓋闕典也有司以聞明年秋詔用奉常議以靈惠名其廟遠近鼓舞願刻諸石侈大神休以昭天子之寵命寺僧行蘊以其記來請某不得辭謹按神姓陳氏諱某字行嵩會稽人也事東晉歷青楊荆廣四州刺史以武功食錢塘海鹽鹽官三邑見於李宗諤之圖經者如此梁大同二年敕封興善王後改封崇善王而失其時代歲月見於桑衍之圖經者如此隋僧眞觀講於眾安

寺夜夢神求受淨戒仍舍廟屋五間爲佛殿見於高僧傳者又如此爾後遂寢血食專供伊蒲塞饌見於白居易之祝辭者又如此神嘗使虜畱三年乃斷左臂求還遂以胡服報命居喪哀毀過制既卒人嘉其忠且孝立廟於皋亭山之西南而祠之聞於耆舊之傳者如此神既事僧眞觀願護伽藍始建廟寺中惟化度寺在唐爲重雲更曰承雲本朝皇祐中始改今名疑卽隋之眾安寺也聞於耆舊之傳者又如此考之禮經聖人之制祭祀非有功烈於民者不在祀典而神生則勤於國死則爲國家民物禦捍災患其功

臨安志輯逸卷一

主

烈宜祭祀故當中興盡毀淫祀之際獨以眾請廟得賜額載在祀典與百神受職嗚呼天子之所以愛民而禮神者至矣神之所以承天子之寵命而福斯民者宜何如哉抑嘗聞漢朱邑故爲桐鄉吏其民愛之死葬桐鄉西郭外民共爲立祠歲時祠祭夫邑特縣小吏民且不忘況神有武功忠孝昭著宜其舉邑祠之至四十餘所又聞蜀將關帝廟食玉泉山嘗受戒於僧智顗後祭絕葷茹福及荆南神之依嚮釋氏亦無以異也雖然碑版載神之事爲多而怪誕不經適足以誣神今特摭其可書者以信於天下後世云

東嶽行祠去城四十里在順濟宮之側乾道間高皇行幸賜銀絹建五嶽樓湣祐三年有旨重修御書東嶽行宮東嶽之殿八大字以賜

靈驗
福德衍慶眞君廟世傳爲吳呂蒙廟福惠一方屢有

以上仁和縣

順濟廟按觀志云江神馮大郎之祠紹興三十年顯仁皇后梓宮渡江賜順濟廟額慶元庚申封靈佑公紹定年間重建改封英烈王次子俗稱馮念九太尉嘉定十七年封助靈侯紹定六年加封助靈佐順侯

臨安志輯逸卷一

古

廟記嘉泰三年兩浙路轉運司主管帳司李長民撰浙江之潮蓋天地閒壯偉絕特之觀其江自南蕩之灣距海門百餘里水浩渺無際始天造是險以示東南形勢自乘輿駐蹕城郭宮闕日以壯麗爲四方之極山川之神莫不奔走以祐我王室其浙江有若順濟廟馮公揭靈茲土功效尤炳炳著見享有寵命也固宜廼者慶元庚申崇陵復土朝廷致禱於神又命兩浙轉運副使沈公作賓更新祠宇以祈陰助逮輶輦渡江霧霧頓收晴景晏溫水怪伏藏波平如席益彰神感應之速不啻桴鼓旋有詔冊神自侯爵爲

靈佑公而漕司實命其屬梁大亮李長民相與卽故祠規度之仍俾長民獨砥其役旣增治庭壇改作門觀兩序肆施藻繪于塑像經始以是年十月晦越月念有二日訖功材值工役總之糜錢三百萬有奇方告成長民周砥祠宇慨然獨念疇昔曾未有紀述而公之孫崇之進之亦以爲言於是私願因卽命磨片石以登載神之威德乃卽崇之進之所錄行實質以都人所傳聞而次第之謹按公姓馮諱俊字德明世錢塘人生於熙寧甲寅六月十四日娶郭氏生三子天質剛直幼孤事母孝年十有八夢帝遣神易其肺

臨安志輯逸卷一

五

臍云將有徽命旦寤宵懷豁然開明生不習文藝至是於書傳大義以及字畫驟皆通曉有叩以禍福莫不前知足未嘗履闕人或遇之江海上元祐年中一日有舟涉江值大風濤分必死公卽現形其閒自言名氏叱咤之頃駭浪帖息又嘗就寢竟日乃寤家人眠其嘔吐皆海錯異物怪而問之則云適宴于龍宮大觀三年十一月已未忽語人上帝命司江濤事不得辭越三日不疾而終年三十有六先期旬日於清水閘所居西偏自營兆域旣歿靈異尤夥人卽所居祠之而次子松年亦以濟人拯物著靈遠近今二孫

則幼子椿年所生於是子孫世奉廟事不惟商賈舟舶之所依怙而環王畿千里之內水旱有叩亟蒙丕答浙江之中流有沙磧能爲舟害自顯仁太后及三朝衣冠之藏俱在禹會發引之日有司致禱其沙卽平用是游應褒典至今又從官給費易故而新之以妥神靈其績效彰灼賜爵受封則具有紹興以來朝廷錫命在惟昔蘇文忠公軾于潁上張龍公祠碑敘述爲詳銘詩首言至人變化不私其躬地行爲人天飛爲龍長民竊誦其語載考行實愧無斯筆爲神形容姑識其槩庶來者有考豈特慰其子孫之志云爾

臨安志輯逸卷一

六

嘉澤廟卽水仙王廟也梁大同中胡子嘗建唐咸通中刺史崔彥曾重修號錢唐湖龍君吳越王錢氏乾化五年表請封廣潤龍王國朝改封淵靈侯乾道五年府尹周公淙禱雨感應重建淳祐八年資政趙公與憲易而新之仍並廟創湖亭三間名薦菊取東坡詩不如配食水仙王一盞寒泉薦秋菊之句請於朝益封淵靈溥濟侯 吳越建錢塘湖廣潤龍王廟碑錢鏐記云蓋聞四靈表瑞則龍神功濟於生民百穀熟成則水旱事關於陰陽而況浙陽重鎮是古吳都襟帶溪湖接連江海賦輿甚廣田畝至多須資灌漑

之功用泰耕桑之業錢塘湖者西臨靈隱東枕府城澄千頃之波瀾承諸山之源派梁大同中胡子嘗置唐咸通年刺史崔彥曾重修鑿石爲門蒸沙起岸自予翊扶聖運移建節麾舊日湖隄盡改爲城宇澄渟有同於水鏡濟時每及於生靈一郭軍民盡承甘潤逐年開創淼漠泓迂長居一丈之深淫不竭亢陽之失度其中菰蓮鬱茂水族蓊繁蒸黎實賴以畋漁河道常資于灌注壯金城之一面不異湯池潤綠野之萬家常如甘澤固有神龍居止水府司存降景祐於生靈興旱涸之風雨原其自編祀典積有歲年雖陳

臨安志輯逸卷一

七

奠酌之規未施展敬之所況錢塘湖龍君與洞庭龍君青草龍君雁行之序各通天波風雨歲歲之去來陰陽長施於萬派古之典籍曾靡記焉日月滋深元無祠廟蓋爲古來藩侯牧守不能建立殿堂予統吳越山河綰天下兵柄前後累申祈禱皆致感通旣荷陰功合崇祠宇昨乃特於湖際選定基垆興土木之功建立欒櫨之構至於殿庭廊廡門檻階墀悉備親起規模指揮擘劃俱臻壯麗以稱精嚴然後慎選良工塑裝神像威容赫奕冠劍森森陳將僚侍衛之儀列鐘鼓豆籩之位以至車輦僕馬帳幄盤筵祭器

饗廚無不臻備馨香薦獻不闕四時況鏡水清流煙波浩渺其湖周迴幾百餘里源派數千餘川濟物於人功能及眾亦無龍君之廟貌予遂與錢塘龍君一時建立殿堂同表奏聞乞加懿號果蒙天澤並降徽章其所奉敕旨具錄如後敕錢塘重地會稽名邦垂古今不朽之基繫生聚無疆之福有茲舊蹟特剏新規豈曰神謀實因心匠蓋水土受天之職庇民之功歲時罔闕於牲牢祈禱必觀於肸鬻得一方之義化致兩境之安康錢鏐普扇仁風久施異政至誠所切遂致感通其錢塘湖龍王廟宜賜號廣潤龍王鏡湖

臨安志輯逸卷一

六

龍王廟宜賜號贊禹龍王牒至準敕旨若夫人惟神贊神實人依信冥陽共理之言乃幽顯相須之義今者式嚴廟貌永受烝嘗四時之殷薦不虧萬姓之禱祠無闕神其受天廟之寵命千古之光輝常鎮吳邦預消災沴必使原田肥沃克昌廣潤之名穀稼豐登更表土龍之德今則嚴禮已立窳宇咸周聊記歲年刻於琬琰後來觀者其鑒之哉時正明二年歲丙子正月丙辰朔十五日庚午建立

水仙王廟 袁詔廟記予自承乏內史雨暘禱數詣所云水仙王廟者廟有壇壝間于是斬牲漚酒以

起龍蟄穹碑植宇下龜趺隆然摩挲刻文則吳越錢武肅所著其額曰錢塘廣潤龍王廟東偏有堂列三賢像乾道中郡太守周君淙建退而質諸臨安志成周君手且言廣潤龍君祠卽水仙王廟按錢塘水仙之事始見於蘇文忠公詩公詩石本今存自書其左方曰今西湖有水仙王廟仙之廟於湖公出守時蓋無恙後莫知廟所在六龍南渡杭爲帝所絡孤山築殊庭得不廢者惟和靖墓他皆一掃刮絕去荒基老屋漫不見蹤迹廟之廢未必不於此時故趙君夔注蘇公詩攷驗無所得乃序夢中語諉以茫昧使龍君

臨安志輯逸卷一

亢

之祠在趙復奚所疑哉彼龍君祠與普安佛廬鄰距葛嶺占北巖之阿視湖邈焉牽聯遷就因附祀三賢而祝號以譌好事者又從而并其旁名薦菊以卽蘇公句贅矣余旣更三賢祠而水仙廟未有所釐正於是廢酒壚枌焉地據湖隄右湖光拍隄平挹千頃仙峩冠佩玉乘風載雲方羊於水月倒景之中仙有靈宜不宜耶昔湘旁黃陵有廟自秦漢迄晉釋辭亂眞王逸以爲湘君者自其水神而湘夫人乃舜二妃郭璞則又以爲天帝二女至昌黎韓公始正娥皇爲湘君而湘夫人則女英也異哉水仙之事果相似乎嗟

乎自蘇公去杭今百三十有七年水仙有廟名存實亡余何人乃適有感是孰使之然耶或曰事廢興存乎數其又信然耶廟經始於寶慶乙酉冬明年春落成因記其所以又作楚語以展仙之靈其辭曰桂水關兮仙宮今何爲兮山之中羌時俗兮改錯寄嘉名兮土龍卜中洲兮芷閭仙歸兮故居旂夫容兮蘭枻詔馮夷兮先驅杜蘅紛兮旅庭酌寒泉兮秋英福帝郊兮塵清終萬古兮揚靈

會靈廟祠更火燬寓諸惠明寺慶元六年禱雨應郡守王公補之買地寺旁祠未立而去開禧元年趙公

臨安志輯逸卷一

辛

師舜繼成之請於朝賜廟額封王號淳祐七年府尹趙公與憲重建廟祀先王之世神人異方不相參混俗無妖淫民用乂安故曰以道涖天下者其鬼不神夫聖人謹於幽明之分也如此然而民事之所關祈報禳禱苟可以措吾力者則又靡不極其至焉社稷山川日月風雨寒暑水旱先嗇司嗇下至表畷防庸貓虎之屬莫不有祀大抵皆民事也後之有國者所以敷政流化調和陰陽銷伏災沴之具雖未必如古然而祭祀之禮爲民而設者無大廢闕甚者一遇潦旱之變則神鬼之祠老佛之宮與夫神龍之所宅

有司奔走用事罔敢弗虔此雖非先王之政而其皇
皇爲民之意猶可見也錢塘今爲駐蹕之地天子在
上萬神效職而西湖柳州有所謂五龍王祠者吐靈
垂貺其來已久雨暘致禱無有差忒載之祀典紀之
圖經可考不誣曩經兵火祠失其所寓諸柳州之惠
明寺慶元六年十一月有旨賜廟名曰會靈京兆尹
太府卿王君補之買地寺旁規以立祠祠未立去今
戶部尙書趙師舜繼之慨然歎曰此民事吾事也其
可遂已掄材選工命通判府事鄭擢東南第三將劉
公傑實董司之踰兩月告成堂宇蠲飭像設尊嚴都

臨安志輯逸卷一

三

人聳瞻神意昭答時開禧元年六月十九日也先是
五月旁死魄公以雨禱立應已而父老狀言旣雨之
三日湖山晝冥有二物如大木東風揚波直湖心而
來蜿蜒柳洲茭蒲間視之如黃黑蛇二長可四五丈
是日復有蛇見祠所雷雨大作兼旬日乃止歲以有
秋嘻亦異矣公言諸朝乞加神封號制曰可則語壁
曰祠吾立之子記之余惟鬼神之道君子所難言今
夫能隱能顯者龍能雲能雨者龍龍之爲物靈矣胞
然而應幡然而作其龍之所自爲耶抑固有主之者
耶謂龍之所自爲則狀貌之立命秩之加非所施於

龍也謂有主之者存則封爵之書所謂五龍之神皆
龍也非有主之者也若是者余皆不得而知至於曰
雨而雨曰暘而暘民事之所關國典之所載維千萬
年敬事無數是則余之所知也公才邁倫所至治有
異等再爲京兆尹名與漢趙張埒初公爲揚州嘗建
龍祠九曲池天子錫廟名進王號視今舉適相似然
君子謂公可謂知所敬矣其事神也周可謂知所愛
矣其爲民也切李壁記并書

臨安志輯逸卷一

三

累封靈潤通惠侯嘉泰六年加封靈潤通惠孚祐侯
嘉定十一年改封靈顯公端平元年加封靈顯需澤
公淳祐元年加封靈顯需澤溥濟公淳祐八年加封
靈顯需澤溥濟威靈公井前有威德亭五年安撫潛
說友更創祠宇

忠勇廟故步軍司前軍統制官張玘祠紹興三十二
年從張子蓋解海州圍玘用命戰歿奉聖旨贈清遠
軍承宣使仍於寨門首建廟賜號忠勇乾道元年主
管侍衛步軍司公事戚方建據本朝錄白敕牒稱神
係親衛大夫果州團練使兩浙西路兵馬都鈐轄充
御營宿衛前軍都統制特贈正任觀察使與舊志所

載不同當考

昭貺廟國史作兵部太常祠典作工部員外祠景祐中夏爲兩浙轉運使杭州江岸故隄率用薪土潮水衝擊每繕修不過三歲輒壞夏命作石隄一十二里以防江潮之害旣成州人感其功慶厯中祠於隄上嘉祐六年贈太常少卿政和二年封甯江侯改封安濟公贈廟額今累封靈濟顯佑威烈昭順王先是廟基坐北面南淳祐五年火八年重建改東向 丁寶臣記云江介吳越間杭居其右而地勢下生聚數十萬廬舍隱輳號天下最盛而歲苦海潮爲患於夏秋

臨安志輯逸卷一

三

尤暴常與隄平城中望隄不百數步其勢反在高仰處不幸一壅而潰其猶決山而注於井沛然可禦哉故其病於民也數矣初景祐中水災轉運使張公伯起善爲捍禦之策謂故隄率薪土雜治不一二歲輒壞雖勤善完卒不足恃而重勞吾民乃作石隄袤一十二里自是民賴以安後七年夏六月大風驅潮晝夜不落勢益湍怒若將吞於城也隄之土石齧去殆半然猶足以支其危時知府翰林楊公偕轉運使田公瑜急督人徒負土以置斷防卒免墊溺已而老幼泣且言曰水爲敗比前歲甚微張公之仁吾其魚矣

二公遂相與議完築條上方略約工四十萬計及籍

吏之可使者以驛聞詔以隄事付之兼命通判屯田錢君尙余君貫兵馬都監閭門祇候杜君正平分董其役發江淮南二浙福建之兵調十縣丁壯合五千人輦石於山畚土于巨持畚節杵之役相屬於數十里之外方苦盛寒無一告勞者是歲冬十二月新隄

臨安志輯逸卷一

四

香亭下創爲二百丈石堅土厚相爲膠固綱上而方下外疆而內實形勢完妥可恃而無恐矣最堅悍激處更爲竹絡實以小石布其下及圓折其岸勢務以分殺水怒大率究前之謀所未盡者益以新意而爲之也於是邦人相賀於道以爲區區資蓄今日可爲久安計嗚呼自有天下來何嘗世無禍菑惟君子能左右吾民思患而預防之使其雖有而不能爲害則幸矣是隄也由伯起克開厥初二公克大厥終合而成績以樹萬世之利後之爲政者其念前人之勤俾勿壞則斯民無窮之賜也春秋之義有功於民者志

之某預見本末不敢無紀云

錢武肅王廟故天下兵馬都元帥尚父吳越國王錢鏐謚武肅王廟在清波門外方家峪寶藏院之左錢氏五王皆祠焉前有豐碑螭首龜趺極高大雖已駁蝕然細捫之若未嘗刻字者今在陳氏房廊之牆陰山後有井頗大欄甃甚古名烏龍井土人至今名此地爲錢王太廟云

錢文穆王廟吳越備史云天福七年十二月以龍山武功堂爲文穆王廟

東嶽行祠在西溪法華山乾道三年建一在西溪邑

臨安志輯逸卷一 五

士費昇建瀉祐京尹趙公與憲重新建造

義勇武安王廟在西溪法華山紹興三十二年建

本縣城隍土地安邑侯廟在錢塘縣治之東廡

華嚴菩薩廟在林潭三孃村

崇善靈惠王行祠在董家巷

半遷老人廟祥符舊經云在縣東北到縣二十七里

義勇武安王廟在半道紅

以上錢塘縣

城隍廟在縣東邑人稱其神爲永固王

以上鹽官縣

高岡福善王廟舊經載故老之言云周赧王廟也

以上餘杭縣

赤松子廟嘗至崑崙山止西王母石室中隨風雨上下

郭侯廟在縣西一里一百二十步按郭氏家譜云郭侯名成字元禮仕吳爲黃門侍郎封永興富春二縣侯後人因爲立祠封昭福侯祈禱多應嘉熙四年敕賜靈惠廟額封英濟侯

以上富陽縣

城隍廟按吳育春卿載錢尚父殺一小史後見夢因

臨安志輯逸卷一 五

封爲屬國侯永爲臨安土地舊志作霸國必譌也

以上臨安縣

廣利廟宣和三年五月十六日封威顯侯敕朕忘祀四方務隆禮秩有功於國褒表是宜惟神降依新城久享廟食雨暘疾厲請禱必孚屬因寇攘侵犯城邑命師討蕩陰相爲多俾正侯封更新祠宇尙祈歆懌永庇一方特封威顯侯

靈惠廟亦載於本縣舊圖經則許公爲新城人明矣許公之守睢陽以孱弱之卒抗方熾之賊挫虓虎而奪之氣英聲勁節凜凜逼人自新城建邑以來人材

之美功烈之茂無出其右者塔山去縣一里廟貌崇重邑人奉嘗甚嚴祈禱輒應而不在祀典乾道三年夏初苦雨季夏苦旱禱之皆應申乞朝廷錫以爵號賜之廟額是年賜靈惠廟額封忠烈侯

靈佑廟准敕江浙淮南等路宣撫使司狀據軍前申契勘杭州新城縣昨緣凶賊侵犯昨過本縣久民間已立范二郎張七郎廟祈禱累獲感應遂得收復了當人民安居乞朝廷撰立廟額奉旨杭州新城縣張七郎廟宜賜靈休廟爲額范二郎廟宜賜靈佑廟爲額

臨安志輯逸卷一

毛

五通廟在城之西

杜太師祠在縣西一里公諱稜爲吳越錢王行軍司馬梁光化二年敕許立祠卽祠堂門也久廢都僧首智澄重立廟於護國院

潘將軍廟在祥禽鄉換塘吳越錢氏之將也

蕭將軍廟 石府君廟右在廣陵鄉

版村陳女仙廟 鷄鳴山福民侯祠 苦竹崇福侯

祠 杜澤濟民侯祠 後村富民侯祠 下泊應瑞

侯祠 上汪壓境侯祠 凌村保民侯祠 了港積

善侯祠 馬鞍山安民侯祠 百丈山興慶侯祠

江賴普慶侯祠 已上神祠皆莫知姓氏及封爵之因雖不在祀典而鄉村祭敬不絕焉

張員外祠 白石府君祠右在南新鄉

羅明府君祠 牢山府君祠右在新安鄉

葛泰山祠在廣陵鄉

朱明府君祠 裏笥章明府君祠右在甯善鄉 已

上祠自張員外而下皆土俗舊祠莫知其說

許遠廟舊志云在新城乾道中知縣耿秉申請云遠乃許敬宗曾孫而敬宗傳爲杭州新城人去城一里塔山有廟乞賜額遂各靈惠

臨安志輯逸卷一

天

以上新城縣

柯相公廟在縣西南三十五里

祠山別廟在縣東一里南陽山

白沙廟在於潛縣南五十三里白沙前有廟俗呼爲

白沙廟或患氣浮腫擣石煉服之可愈

以上於潛縣

龍池廟在縣西六十里

平葛西廟在縣西四里

湖廟在縣東南五里泥晶

杜王廟在縣西八里高黎

沙幕廟在縣南一十里下阮

柳相廟在縣東南一十五里雲老柳音畱亦作瑯縣有柳相山

惠山潘廟在縣南一十五里惠山村

洛陽廟在縣南二十五里上博

陳府君廟在縣南四十里湍口

姜公廟在縣南四十五里嶺南

蕭王廟在縣西九十里

高樂廟在縣西二十里

檀村廟在縣西一十七里

臨安志輯逸卷一

三

上博廟在縣東南一十九里

百丈廟在縣北二十五里

湍口廟在縣南四十里

以上昌化縣

淳祐臨安志輯逸卷一終

淳祐臨安志輯逸卷二

寺一

東南塔廟之盛有自來矣自唐而更錢氏日增月益不可遽數東坡公所謂西湖三百六十寺幽尋遂窮年者歷歷可攷其徒若辨本惠勤輩皆有高韻足與游者相發故其紀詠之盛至今芳鮮斯亦奇矣或曰天下名山勝處往往爲二氏所有獨不思深林幽谷固古之虎豹嗥而熊羆咆者猶幸梵宮道館得世守之松竹蕭森鐘磬清遠使游者翛然蛻去塵垢頓忘世念又見其逍遙物外庭階靜肅暫處其間如超然游於物之初也嗟乎二氏特未見其有益於人家國耳直以爲游觀之美而存之二氏而有豪傑焉其亦未歷於斯言也夫

臨安志輯逸卷二

一

大中祥符寺 小石塔二在寺門裏及黃六家大鍋壹闊一丈二尺在祥符酒庫皆遺迹也舊志有法華塔端拱元年八月僧文定建募四眾以七寶研碎爲末鍼血和漆成之中藏鍼血書法華經一部內外佛像大小萬餘身皆七寶所成咸平二年賜名法華塔文定詣闕詔賜對仍賜紫方袍中金三百兩 戒壇院觀音像其徒相傳云與上天竺觀音俱一木孔仁